

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A

Broj: T04 0 KT 0065381 26

Zenica, 09.09.2026. godine

OPĆINSKOM SUDU U ZENICI
-Sudiji za prethodno saslušanje-
ZENICA

Na osnovu odredbe člana 45. stav 2. tačka i) i odredbe člana 241. stav 1. Zakona o krivičnom postupku F BiH, p o d i ž e m

O P T U Ź N I C U

Protiv:

D. S., neosuđivan

što je:

dana 18.08.2025. godine, oko 08,10 sati, na području grada Z., u ulici ..., upravljajući putničkim motornim vozilom marke ..., vozeći se navedenom ulicom, približio se obilježenom pješačkom prelazu u namjeri da se uključi u kružni tok, vozio neoprezno i nedovoljno pažljivo jer kada je prilazio navedenom obilježenom pješačkom prelazu, koji je ujedno obilježen i znakom ograničenja brzine 30 km/h, vozilom nije upravljao s naročitim oprezom i takvom brzinom da u slučaju potrebe može zaustaviti vozilo ispred pješačkog prelaza, pa je postupajući suprotno odredbama člana 28. stav 2. Zakona o osnovama bezbjednosti saobraćaja na putevima BiH ("Službeni glasnik Bosne i Hercegovine" broj 6/2006, 75/2006, 44/2007, 84/2009, 48/2010, 18/2013, 8/2017, 89/2017 i 9/2018), iako je bio svjestan da uslijed takve vožnje može nastupiti štetna posljedica, ali je olako držao da će istu izbjeći ili moći spriječiti, pa je na taj način ugrozio javni saobraćaj i doveo u opasnost živote ljudi i imovine, vozeći tako, prednjom desnom stranom vozila kojim je upravljao ostvario kontakt sa pješakom M. B., koji je prelazio kolovoz na obilježenom pješačkom prelazu iz pravca P. u pravcu F. koji je uslijed ostvarenog kontakta pao na kolovoz i zadobio tešku tjelesnu ozljedu u vidu preloma desne potkoljenice obje kosti na dva nivoa i laku tjelesnu ozljedu u vidu nagnječenja i oguljotine kože lijevog lakta,

čime je počinio krivično djelo teška krivična djela protiv bezbjednosti javnog saobraćaja iz člana 336. stav 3. u vezi člana 332. stav 3. u vezi stava 1. KZ F BiH.